

Aneksi nr.6 “Minutat e takimit me shoqërinë civile të Ministrive të Linjës”

Në këtë aneks përfshihen procesverbalet e takimeve dhe lista e pjesëmarrësve, që përfaqësojnë organizatat e shoqërisë civile dhe institucionet publike, të angazhuara në procesin e konsultimit të kërkesave buxhetore në kuadër të Programit Buxhetor Afatmesëm 2027–2029.



REPUBLIKA E SHQIPËRISË

**AUTORITETI PER INFORMIM MBI DOKUMENTET E ISH SIGURIMIT
TE SHTETIT
GRUPI I MENAXHIMIT STRATEGJIK**

Nr. 171/4 Prot.

Tiranë, më 20.04.2026

**MINUTA TAKIMI
TAKIMI Nr. 4**

Tema: Takim konsultim me përfaqësues të shoqërisë civile për hartimin e Programit Buxhetor Afatmesëm 2027–2029

Datë: 20.04.2026

Ora: 12.00

Pjesëmarrës në takim

- Përfaqësues të Autoritetit për Informimin mbi Dokumentet e Ish Sigurimit të Shtetit:
 - Znj. Gentiana Sula
 - Z. Anton Dukagjini
 - Znj. Nertila Seitaj
 - Znj. Migena Demirxhi
 - Znj. Mirela Lame
 - Znj. Besa Spaho
 - Znj. Nevila Turdiu
 - Znj. Brunilda Cerraga
- Përfaqësues të organizatave të shoqërisë civile:
 - Akademia e Filmit & Multimedias MARUBI perfaqesuar nga Z. Kujtim Çashku
 - Shoqata Antikomuniste e Ish të Përndjekurve Politikë përfaqësuar nga Z. Gjek Beqi

Qëllimi i Takimit

Takimi u organizua me qëllim konsultimin me përfaqësues të shoqërisë civile lidhur me objektivat, prioritetet, nevojat dhe rekomandimet për përfshirje në Programin Buxhetor Afatmesëm 2027–2029.

Çështjet e Diskutuar

I Prezantimi i dokumentit të PBA 2027–2029

Dokumenti i PBA u prezantua e bërë nga Znj.Besa Spaho, përgjegjëse e sektorit të finances.

Përfaqësuesit u njohën me qëllimet dhe objektivat e Autoritetit për periudhën afatmesme 2027-2029, fondet e miratuara për 3 vitet e ardhshme si dhe prioritetet , nevojat dhe kërkesat për fonde shtesë...Peshën kryesore e mbajnë kryesisht, skanimit i dokumenteve arkivore dhe fonde shtesë për libra dhe botime në zërin shpenzime operative.

Në zërin shpenzime kapitale është shprehur kryesisht nevoja për miratim fondesh shtesë për zhvillim dhe plotësim të platformës digjitale e- edukimit “Mësojmë nga e kaluara, burime arsimore të hapura 1944-1991 ” në shumën prej 9,000,000 lekë për të tre vitet buxhetore 2027-2029. Në zërin Blerje dhe instalim të pajisjeve, aplikacioneve të infrastrukturës qëndrore kërkohet fond shtesë në shumën prej 3,600,000 lekë për 2027 dhe nga 3.000.000 per dy vitet e tjera 2028 dhe 2029.

Përfaqësuesit e institucionit prezantuan objektivat kryesore, afatet dhe metodologjinë e hartimit të Programit Buxhetor Afatmesëm 2027–2029.

II Prioritetet e propozuara nga shoqëria civile

Përfaqësuesit e shoqërisë civile pjesëmarrës pasi u njohën me materialin e PBA 2027-2029 ngritën këto çështje:

- Është e nevojshme që cdo gjë të jetë e dixhitalizuar në mënyrë që materialet të jenë më tërheqëse dhe më të këndshme për publikun e gjerë duke bashkëpunuar dhe me shumë shoqata të tjera për t’ua vendosur në dispozicion materialet e duhura apo dokumenta të caktuara (foto,dëshmi etj).
- Detyrën për të ruajtur identitetin, historinë dhe dinjitetin kombëtar duke sjellë ndërgjegjësimin/vetëdijen kombëtare.
- Për sa i përket arkivave dhe memorjes, duhet një specialist që të ketë si detyrë fushën e hulumtimeve dhe trajtimet e projekteve që vijnë nga Komisioni European ose nga UNESCO, e cila nuk ka më prioritet vetëm ruajtjen e siteve arkeologjike, por e shtrin aktivitetin edhe në ruajtjen e memories nëpërmjet arkivave. Shqetësimi më i madh është regjistrimi i historisë dhe i kuptimit të moralit.

Pas përfundimit të diskutimeve u konkludua si më poshtë:

- U theksua nevoja për forcimin e bashkëpunimit ndërmjet shoqatave të ish-të përndjekurve politikë dhe institucioneve përgjegjëse, veçanërisht me Instituti për Studimin e Krimeve dhe Pasojave të Komunizmit (ISKK). Pjesëmarrësit kërkuar një rol më proaktiv të institucioneve në nxitjen e kërkimeve, hulumtimeve dhe analizimit të informacionit të mbledhur, me qëllim dokumentimin më të plotë të së kaluarës.
- U vlerësua e domosdoshme gjetja dhe zhvillimi i formave të reja të rrëfimit të historisë, të cilat jo vetëm transmetojnë faktet historike, por edhe arrijnë të krijojnë lidhje emocionale dhe reflektim te publiku, duke përcjellë thelbin e përvojave dhe ngjarjeve të së kaluarës.
- Pjesëmarrësit nënvizuan rëndësinë e vazhdimit të dialogut dhe konsultimit të rregullt ndërmjet Autoritetit dhe organizatave të shoqërisë civile gjatë gjithë procesit të hartimit, zbatimit dhe monitorimit të Planit Buxhetor Afatmesëm (PBA), për të garantuar përfshirje dhe transparencë më të madhe në procesin e planifikimit.

Takimi u mbyll në orën 12.45

Miratohet proces-verbali mësipërm:

- | | | |
|----------------------|------------------------|--|
| 1- Znj.Gentiana Sula | Kryetare e Autoritetit |  |
| 2- Z.Anton Dukagjini | DA | |
| 3- Znj.Mirela Lame | DSHBF | |

Konceptoi: Jorgen Koçaj

Nr.kopjeve: 2 (Dy)



MINISTRIA E DREJTËSISË
DREJTORIA E BUXHETIT DHE MENAXHIMIT FINANCIAR

LISTPREZENÇË MBI TAKIMIN PER PBA 20227-2029

datë 21.04.2026

Nr	Emër	Mbimë	Pozicioni	Nr. kontakti/adrese e-maili	Nënshkrimi
1	Edmond	Abmeti	Drejtor i Përcaktimit		
2	Besnik	Sirag	Drejtor i Buxhetit	besnik.sirag@drejte.gov.al	
3	Hrisa	Dele	Drejtori i Buxhetit	anisa.leka@drejte.gov.al	
4	Edlir	Omajllari	Specialistik Buxheti	edlir.omajllari@drejte.gov.al	
5	Alket	Malo	Drejtor Financa APB	0675603026	
6	Abil	Thuri	mbledhësorinës Ar Popullit	0688418308	
7	VALENTIN	MACA	Sindikato Pol. Buxhete	0673113555	
8	Osmela	Byke	Specialiste në Sek Buxheti	osmela.byke@drejte.gov.al	
9					
10					
11					
12					
13					
14					
18					
19					
20					
21					
22					
23					



**REPUBLIKA E SHQIPËRISË
MINISTRIA E DREJTËSISË**

MINUTA TAKIMI

Mbi konsultimin e Projekt-Buxhetit Afatmesëm 2027-2029 për Sistemin e Burgjeve

Në datën 21.04.2026 në ambjentet e Ministrisë së Drejtësisë u zhvillua takimi për diskutimin mbi PBA 2027-2029 për Sistemin e Burgjeve. Në këtë takim ishin përfaqësues nga Avokati i Popullit, nga Sindikata e Policisë së Burgjeve nga Drejtoria e Përgjithshme e Burgjeve dhe Ministria e Drejtësisë sipas listprezencës bashkëlidhur.

Në kuadër të diskutimeve të zhvilluara mbi nevojat prioritare, problematikat dhe perspektivën e financimit të sistemit penitenciar, u analizuan çështje të rëndësishme që lidhen me infrastrukturën, burimet njerëzore, shpenzimet operative, sigurinë institucionale dhe investimet strategjike. Nga diskutimet rezultoi se institucionet e ekzekutimit të vendimeve penale po përballen me sfida të shumta, të cilat kërkojnë ndërhyrje të koordinuara financiare dhe ligjore për të garantuar funksionimin normal të sistemit dhe përmbushjen e standardeve kombëtare dhe ndërkombëtare në trajtimin e personave të privuar nga liria.

1- Sistemet e ngohje ftohjes

Një nga problematikat kryesore të evidentuara lidhet me funksionimin e sistemeve të ngrohjes dhe ftohjes në institucionet penitenciare. Përdorimi i këtyre sistemeve, megjithëse i domosdoshëm për garantimin e kushteve minimale të jetesës dhe punës, ka sjellë rritje të ndjeshme të konsumit të energjisë elektrike dhe rrjedhimisht të kostove operative. Në kushtet e rritjes së përgjithshme të çmimeve të energjisë dhe të zgjerimit të kapaciteteve institucionale, fondet aktuale paraqiten të pamjaftueshme për të përballuar nevojat reale, duke krijuar vështirësi në administrimin e buxheteve të institucioneve.

2- Rikonstruksioni dhe ndërtimi i Spitalit të Lezhës për të sëmurët me probleme të shëndetit mendor

Vëmendje e veçantë iu kushtua gjendjes infrastrukturore të I.E.V.P Lezhë, ku u evidentua nevoja emergjente për rikonstruksion dhe ndërhyrje ndërtimore. Gjendja aktuale e ambienteve kërkon investime të konsiderueshme për përmirësimin e kushteve të sigurisë, akomodimit dhe ofrimit të

shërbimeve për shtimin e kapaciteteve organike në I.E.V.P Lezhë dhe në spitalin e sistemit penitenciar. Në këtë kuadër, u raportua se ka përfunduar hartimi i projektit dhe fondet për realizimin e këtij projekti janë parashikuar në Programin Buxhetor Afatmesëm 2027–2029, me një vlerë totale prej rreth 746 milionë lekësh, çka dëshmon rëndësinë strategjike që i kushtohet kësaj ndërhyrjeje.

3- Shtimi i pajisjeve mjekësore

Gjithashtu, u evidentua nevoja për rritjen e fondeve të destinuara për produktet higjeno-sanitare, të cilat përbëjnë një element thelbësor për garantimin e standardeve të higjienës dhe shëndetit publik brenda institucioneve. Në të njëjtën linjë, u theksua nevoja për fuqizimin e laboratorëve të analizave mjekësore, përmes pajisjeve dhe financimeve shtesë, me qëllim përmirësimin e diagnostikimit dhe monitorimit të gjendjes shëndetësore të personave të privuar nga liria. U diskutua gjithashtu nevoja për mobilimin e dhomave të akomodimit të të burgosurve, duke synuar përmirësimin e kushteve të jetesës dhe respektimin e standardeve të përcaktuara në legjislacionin përkatës.

4- Diferencimi i pagave midis Policisë së Burgjeve dhe Policisë së Shtetit

Në aspektin e burimeve njerëzore, u evidentuan problematika të vazhdueshme që lidhen me trajtimin e punonjësve të Policisë së Burgjeve. U nënvizua se kjo kategori punonjësish vazhdon të mos gëzojë të njëjtin nivel trajtimi financiar dhe social me punonjësit e Policisë së Shtetit, pavarësisht faktit se ushtron funksione të rëndësishme në ruajtjen e rendit dhe sigurisë në institucionet penitenciare. Kjo diferencë ka ndikuar në motivimin e personelit, në vështirësitë për rekrutimin e punonjësve të rinj dhe në rritjen e lëvizshmërisë së stafit.

5- Vakancat e stafit policor në Sistemin Penitenciar

Një shqetësim i veçantë lidhet me procesin e formimit profesional të punonjësve të Policisë së Burgjeve. U evidentua se investohen fonde publike për trajnimet dhe përgatitjen profesionale të personelit, por në shumë raste personat e trajnuar nuk vazhdojnë karrierën në sistem ose largohen pas një periudhe të shkurtër kohe. Kjo situatë sjell humbje të investimit financiar dhe dobëson kapacitetet operationale të institucioneve. Për këtë arsye, u konsiderua e nevojshme ndërhyrja në kuadrin ligjor dhe nënligjor, me qëllim krijimin e mekanizmave që garantojnë stabilitetin e personelit dhe ruajtjen e investimit të kryer në formimin e tij profesional.

Në kuadër të përmirësimit të trajtimit të personelit, u propozua rishikimi i akteve nënligjore përkatëse, përfshirë Vendimin e Këshillit të ministrave nr. 423, datë 26.06.2024, “Për miratimin e vlerave për secilin element përbërës të pagës bruto mujore, të kompensimeve të tjera financiare, që përfitojnë punonjësit e Policisë së Burgjeve gjatë qëndrimit në punë, dhe procedurave të

përfitimit të këtyre kompensimeve”, që lidhet me përfitimin e vakteve ushqimore për punonjësit. Po ashtu, u kërkua zgjidhje për problematikën e bonusit të transportit, i cili sipas përfaqësuesve të sistemit krijon trajtim të pabarabartë dhe diskriminues. Për këtë arsye u konsiderua i nevojshëm rishikimi i Vendimit të Këshillit të Ministrave nr. 920, datë 25.11.2020 “Për trajtimin me pagë e shtesa mbi pagë dhe procedurën e kompensimit financiar gjatë qëndrimit në puë të Policisë së Burgjeve”, i ndryshuar, me synimin për të garantuar trajtim më të drejtë dhe më të unifikuar për punonjësit e Policisë së Burgjeve.

6- Nevojat për fonde shtesë për uniformat e Policisë së Burgjeve

Gjatë diskutimeve u evidentua gjithashtu nevoja për sigurimin në kohë dhe në sasi të mjaftueshme të uniformave të Policisë së Burgjeve, duke qenë se këto përbëjnë një element të rëndësishëm të identitetit institucional, sigurisë dhe disiplinës në punë. Në të njëjtën kohë u trajtua edhe çështja e pagesës së të burgosurve të punësuar, duke u theksuar rëndësia e programeve të punësimit si instrument për rehabilitimin, riintegrimin social dhe uljen e recidivizmit.

Një ndër problematikat më të theksuara ishte pamjaftueshmëria e fondeve të akorduara për mallra dhe shërbime. U evidentua se fondet aktuale nuk mbulojnë nevojat reale të institucioneve penitenciare për furnizime, mirëmbajtje, shërbime teknike, materiale konsumi dhe shpenzime të tjera operative. Kjo situatë krijon vështirësi në ruajtjen e standardeve të kërkuara dhe rrezikon cilësinë e shërbimeve të ofruara. Në drejtim të investimeve strategjike, u theksua se niveli aktual i financimeve shtesë mbetet i kufizuar dhe nuk i përgjigjet plotësisht nevojave të sistemit. Për këtë arsye u kërkua rritja e tavanëve buxhetore për projektet me financim të huaj, me qëllim mundësimin e realizimit të investimeve prioritare në infrastrukturë, teknologji, siguri dhe modernizim institucional. Një prioritet i veçantë u konsiderua investimi për instalimin e sistemeve të bllokimit të valëve të komunikimit në institucionet penitenciare. Kjo ndërhyrje vlerësohet si domosdoshmëri për forcimin e sigurisë, parandalimin e komunikimeve të paautorizuara dhe rritjen e efektivitetit të kontrollit institucional, në përputhje me praktikatat më të mira të administrimit penitenciar.

PËRFUNDIMI

Në përfundim, u vlerësua se problematikat e evidentuara kërkojnë një qasje të integruar, e cila të kombinojë rritjen e mbështetjes financiare, përmirësimin e kuadrit ligjor dhe forcimin e investimeve strategjike. U theksua se adresimi i këtyre nevojave do të kontribuojë drejtpërdrejt në rritjen e sigurisë, përmirësimin e kushteve të punës për personelin, garantimin e standardeve të trajtimit të personave të privuar nga liria dhe modernizimin e mëtejshëm të sistemit penitenciar në tërësi.



TAKIM KONSULTUES ME ORGANIZATAT E SHOQËRISË CIVILE MBI PBA 2027 - 2029

24.04.2026

Salla e Mbledhjeve, Ministria e Shëndetësisë dhe Mirëqenies Sociale

10:00 – 12:00

NR.	EMËR MBIEMËR	INSTITUCIONI	POZICIONI	E-MAIL	NËNSHKRIMI
1.	Nertila Topulli	MSHMS	Drejtor		
2.	Enxhida Capor	MSHMS	P. Sektori		
3.	Enxhida Nday	MSHMS	P. Sektori		
4.	Bagjama Tivana	SH.I.P.I.P.	KRYEJAR, bagjam.tivana@shqipetria.gov.al		
5.	Stela Tomellon	different & equal	an.drejtor@differentandequal.org.al		
6.	Klismar Ibrahim	—	ANAD	anad.coordinator@gmail.com	
7.	Kriselda Nebendracaj	KoTogether for life	Project Coordinator	kriselda@kotogetherforlife.org.al	
8.	Lindita Caponi	OPAN	Arrekte info@opan.al		
9.	Gregg Noke	SHVSH	Administrative Coordinator	gregg@shvsh.org.al	

v. el

10.	Nabeela Ismail Nabeela Ismail	Shangri-La Pangaspigikiri	Kujalek -	Pavan.Tatva@jahaa.com	0686021219
11.	Nicole Spill Nicole Spill	ANAD	Coordinater	enad.coordinater@gmail.com	068325276
12.	Alma Dahlke	Together for Life	Memorare	almdahl@bayloripk.org	0684084800
13.	Bernie Gentry	Are the Children			0682091638
14.	Emplamaria Bejani	Autism: Fleet	Before Ekkelutiv	klubiprinter@csa@gmail.com	0694225912
15.	Maria Jato	DSA	Handicraft	vijub@dsalibrary.org	0683463345
16.	Amelia Giza	MSTMS	Dr		
17.	Flutina Beza	MSTMS	Dr		
18.	Jonas Dervishalia	MSTMS	Dr		
19.	Darius Giza	MSTMS	Specialist		
20.					
21.					
22.					
23.					
24.					
25.					



REPUBLIKA E SHQIPËRISË
MINISTRIA E SHËNDETËSISË DHE MIRËQENIES SOCIALE
DREJTORIA E PËRGJITHSHME E ZHVILLIMIT PËR MIRËQENIEN SOCIALE
DREJTORIA E POLITIKAVE TË PËRKUJDESJES SOCIALE DHE SHËRBIMEVE SOCIALE TË INTEGRUARA

Lënda: Minutat mbi takimin konsultues të datës 24.04.2026, me organizatat e shoqërisë civile për PBA 2027 – 2029

Sot, në datën 24.04.2026 në ambjentet e Ministrisë së Shëndetësisë dhe Mirëqenies Sociale u zhvillua takimi konsultues me organizatat e shoqërisë civile për PBA 2027 – 2029.

Mbledhja u hap nga Znj. Jona Dervishaliaj, Drejtore e Përgjithshme e Zhvillimit për Mirëqenien Sociale në MSHMS, e cila drejtoi mbledhjen. Ajo bëri një prezantim të përmbledhur të PBA 2027-2029 dhe më tej ua dha fjalën me radhë përfaqësueve të ardhur nga OSHC-të.

Fjalën e mori znj. Nikoleta Spahi, koordinatore pranë ANAD, e cila preku çështjen e shërbimeve të interpretimit për njerëzit që nuk dëgjojnë dhe pyeti nëse ka ndonjë parashikim në projektbuxhet lidhur me këtë shërbim, që është i planifikuar në Planin e Veprimit të PAK. – Znj. Dervishaliaj u përgjigj që ky aktivitet është parashikuar në Planin e Veprimit dhe është kostuar atje, prandaj nuk është e nevojshme të ketë një zë të veçantë në projektbuxhet.

Më tej vijoi Z. Ndreka Ismailaj, Kryetar i Shoqatës së Paraplegjikëve, i cili shtroi çështjen e 2-fishimit të pagesës për fëmijët me AK dhe çfarë është parashikuar për këta fëmijë në momentin që ata mbushin 18 vjeç. Së dyti përmendi nevojën për një qendër rehabilitimi fizik për PAK. – Znj. Dervishaliaj sqaroi se 2-fishimi i pagesës së AK, pas një analize të bërë nga MSHMS, me qëllim ndërhyrjen e hershme, është parashikuar të bëhet njëherë për fëmijët dhe në një fazë të dytë do shikohet mundësia për pagesat e atyre mbi 18 vjeç.

Z. Bajram Tirana, Kryetar i Shoqatës së Para-tetraplegjikëve më Traumë në Shtyllën Kurrizore, shprehu pretendimin se ka qark vite që kërkohet një Qendër Kombëtare Multifunksionale, pasi ka mbi 5000 paraplegjik të cilëve me kalimin e viteve u fillon deformimi i gjymtyrëve dhe është shumë e nevojshme një qendër për këta persona. Ai përmendi gjithashtu pjesën e pagesës së kontributeve për kujdestarët e cila duhet të shoqërohet me rritje të pagesës së tyre, pasi askush nuk të shërben me atë pagesë që është aktualisht. Është shumë e rëndësishme që të ketë rregulla në mënyrë që këta persona të kenë mundësi të përfitojnë pension në të ardhmen. – Znj. Dervishaliaj sqaroi se për momentin po parashikohet që të përfshihen në projektbuxhet personat që nuk përfitojnë kontribute shoqërore dhe shëndetësore dhe shërbejnë si ndihmës personal dhe në një moment tjetër do bëhet vlerësimi edhe për masën e pagesës. Ajo shtoi se aktualisht është duke u rishikuar edhe ligji për shërbimet, ku do të ketë një vëmendje të shtuar edhe për kujdestarët për të cilët do të rishikohet roli i ndihmës personal.

Znj. Mirela Juka, Menaxhere e Doën Syndrome Albania, u shpreh se duhet një analizë për nevojat për shërbime të PAK dhe për mënyrën se si duhet të veprohet për ata persona që nuk kanë të afërm. Ajo, gjithashtu shprehu pretendimin për mundësi financimi të shoqatave nëpërmjet buxhetit të shtetit. – Për këtë çështje Znj. Dervishaliaj sqaroi se sipas legjislacionit në fuqi, MSHMS financon bashkitë dhe qarqet, pra nuk financon drejtpërdrejtë organizatat. Një strukturë tjetër financimi për OSHC-të është AMSHC. Këto të fundit mund të përfitojnë nga Fondi Social kur kanë aplikuar përmes bashkive apo Qarqeve. Një mjet tjetër financimi i MSHMS është nëpërmjet mekanizmit të financimit nëpërmjet Ndërmarrjeve Sociale për të cilin gjithashtu i ftoi që të aplikojnë.

Znj. Eglantina Bajrami, Drejtore Ekzekutive e organizatës “Autizmi Flet”, shprehu shqetësimin për jetesën e pavarur, pasi nuk duhet të rrinë në të njëjtin ambient fëmijë dhe të rritur që kanë probleme të shëndetit mendor. Ajo theksoi se pavarësisht procesit të De-institucionalizimit duhet të ketë një qendër rezidenciale, pasi edhe në vendet të tjera nuk ekziston deinstitutionalizimi i plotë. Gjithashtu ajo përmendi funksionimin e shërbimit dentar për personat me spektër të autizmit, pranë KSU-së. – Znj. Dervishaliaj sqaroi për pikën e parë se është duke u ngritur qendra e Prushit, e cila do jetë në përputhje me të gjitha standardet dhe detyrimet që kemi me të gjitha proceset që po ndërmarrim aktualisht dhe me integrimin, ku përfshihet këtu dhe deinstitutionalizimi. Kjo do jetë një qendër kombëtare e cila është financuar nga MSHMS dhe Këshilli i Qarkut Tiranë nëpërmjet mekanizmit të fondit social. Lidhur me pikën e dytë, për shërbimin dentar për personat me spektër të autizmit, znj. Dervishaliaj u shpreh se për këtë propozim është përgatitur një analizë nga MSHMS dhe do të shtohet te kërkesat e reja.

Znj. Blerina Çeloaliaj, Drejtore pranë Save the Children, pyeti nëse ka rritje të buxhetit për 3 vitet e ardhshme dhe nëse janë të përfshira në buxhet Plani i Veprimit për De-institucionalizimin dhe Plani i Veprimit për Garancinë e Fëmijëve. – Znj. Dervishaliaj sqaroi se asnjë dokument nuk kalon për miratim pa u kostuar dhe se është siguruar që çdo masë të jetë e mbuluar nga ana financiare. Drejtoresha e Buxhetit dhe Financës znj. Anjeza Gjuzi, theksoi se buxheti ka ardhur në rritje nga viti në vit, konkretisht këtë vit ka një rritje prej 500 milion lekë.

Z. Jonit Ferhati nga Shoqata e të Verbërve të Shqipërisë mori fjalën duke u shprehur nëse 2-fishimi i pagesave për fëmijët me AK është për çdo kategori, nëse njohja e kontributeve ka efekt prapaveprues ose jo dhe nëse do të shoqërohet me rritje të pagesave të kujdestarëve. Ai ngriti shqetësimin nëse në PBA janë parashikuar shërbime dhe pajisje të veçanta për të verbrit, trajnime për të verbrit që mbeten të verbër gjatë jetës dhe çfarë parashikohet për ata të verbër që mbeten vetëm (pasi ndërron jetë familjari/kujdestari). Gjithashtu, z. Ferhati pretendoi për financim të Qendrës Kombëtare të të Verbërve, sikundër do të financohet qendra në Prush.

– Znj. Dervishaliaj sqaroi lidhur me rritjen e masës së pagesës për fëmijët me AK duke theksuar që janë përfshirë të gjitha kategoritë. Do të garantohet fillimisht barazia mes grupeve të ndihmësve personalë të të gjitha kategorive të PAK. Ajo shtoi se po rishikohet roli i ndihmësit personal në ligjin nr. 121/2016. Lidhur me pajsijet e posaçme për të verbrit, po rishikohet ligji i aksesueshmërisë, ku do specifikohen edhe pajisjet, si dhe do t’u përgjigjemi çdo detyrimi që kemi në kuadër të integritetit në BE. Ky ligj po përafrohet me direktivën 882/2019. Megjithatë për këtë element do të vendosim një parashikim në propozimet që do të bëjmë për këtë fazë të PBA-së. Lidhur me çështjen për financimin e qendrës kombëtare, ajo sqaroi se po ndiqet e njejta procedurë për financim nga Fondi Social sikundër i është sugjeruar edhe organizatës suaj.

Znj. Alma Lahe, Menaxhere në Together for Life shtroi shqetësimin në lidhje me modelin Bio-Psiko-Social pasi ka një problematikë për identifikimin e rasteve që nuk kanë mundësi fizike për t'u paraqitur fizikisht para komisionit. A ka lidhje mungesa e fondit për të shkuar komisioni në banesë, që nuk mund të kryhet ky shërbim? – Znj. Eneida Capo, Përgjegjëse e Sektorit të Zhvillimit të PAK, sqaroi se kur kemi raste të PAK që rekomandohen nga mjeku specialist referues për t'u komisionuar në banesë, komisionet i zhvillojnë intervistat në banesë. Komisionet janë shpërndarë në të gjithë territorin dhe mbulojnë një zonë të caktuar brenda qarkut. Vetëm në qarkun Tiranë janë 6 komisione, ku 1 prej tyre mbulon Kavajën dhe është me vendodhje në Kavajë. Zonat që janë nën juridiksionin e komisioneve janë lehtësisht të aksesueshme në këmbë ose me transport publik.